

**Ilinniagaqarniartut naalagaaffimmit qularnaveeqqusiiffigineqartumik taarsigassarsiaasa erniaasa ilanngaatigineqarsinnaanerit.**

Ilinniagaqarniartut aningaaserivinni naalagaaffimmit qularnaveeqqusiiffigineqartumik taarsigassarsiaasa erniaat ilinniarnep nalaani ilanngaatigineqarsinnaangillat, tassa skatterådip aalajangiineratigut erniat pineqartut aningaaserivinnit ernialiinerup nalaani akiligassanngorsimasutut isigineqarsinnaangimmata.

Taamaalilluni ilinniagaqarnermut atatillugu taarsigassarsiat ilinniarnep inernerata kipinerataluunniit kingorna akilersulernerisigut aatsaat ilanngaateqarneq pisinnaalissaaq.

Ilinniagaqarniartut taarsigassarsiaasa naalagaaffimmit qularnaveeqqusiiffigineqartut erniaasa ilanngaatigineqarsinnaanerannut najoqqutassat skatterådip aalajangigaani ima nalunaarneqarsimapput:

Erniat akilersuilernerup siorna aningaaserivimmit ernialiissutigineqartut:

1) Taarsigassarsiat erniallu agguarlugit qanoq akilersorneqarnissaat isumaqatigiissutigineqarsimappat erniat akilersimasat ukiumi akiligassanngorfianni ilanngaatigineqarsinnaapput.

2) Akilersuilernissamut atatillugu aningaaserivimmik isumaqatigiissummi erniat akilersuinissallu nammineq qanoq agguarneqarnissaat taaneqarsimangippat akiligassanit isumaqatigiissutigineqarsimasunit akilersuilernerup siornagut erniat ernialiissutigineqarsimasut katinnerisa taarsigassarsiallu agguarnerat ilanngaatigineqarsinnaavoq.

Erniat akilersuinerup nalaani aningaaserivimmit ernialiissutigineqarsimasut ukiumi ernialiiffimmi ilanngaatigineqassapput.

Assersuut:

Ilinniagalik ukiumi ilinniarfimmini 1973-imit 1976-imut 30.000 kr.-nik taarsigassarsisimasooq junimi 1976-imi ilinniarnep inigaqarpoq.

Isumaqatigiissutigineqarpoq taarsigassarsiat erniallu oktoberip aallaqqaataani 1976-imit qaammammut 800 kr.-nik akilersorneqalissasut.

1976-imi septemberip naanerata tungaanut ernialiunneqarsimasut 12.000 kr-upput, taamaalilluni akilersugassat katillugit septemberip 30-anni 1976-imi 42.000 kr.-ullutik.

Ukioq aningaasarsiorfik 1976:

Erniat ilanngaatigineqarsinnaasut akilersuilernerup siornagut ernialiissutigineqarsimasut, tassa 1973-imit 30/9 1976-imut ima naatsorsorneqassapput:

1976-imi akiligassanngorsimasut:  $3 \times 800 \text{ kr.} = 2.400 \text{ kr.}$

Ilanngaatigineqarsinnaasooq:  $2.400 \times 12.000$

$42.000 = 686 \text{ kr.}$

Piffissami akilersuiffimmi 1976-imi

oktoberip aallaqqaataanit 31. decemberimut

ernialiussat ..... = 1.250 kr.-upput

Taamaalilluni ukiumi aningaasarsiorfiimi

1976-imi ernianut aningaasartuutit ilan-

ngaatigineqarsinnaassapput ..... = 1.936 kr.

(Pineqartup ilaanngaataalajangersimasooq atunngippagu).

Ukioq aningaasarsiorfik 1977:

Erniat ilanngaataasinnaasut ima naatsorsorneqassapput:

1977-imi akiligassanngorsimasut: 12 x 800 kr. = 9.600 kr.

Ilanngaatigineqarsinnaasooq: 9.600 x 12.000

42.000 = 2.743 kr.

1977-imi ernialiineq ..... = 4.500 kr.

Ukiumi aningaasarsiorfimmi 1977-imi ernia-

nut aningaasartuutit ilanngaatigineqarsinnaas-

sapput ..... = 7.243 kr.

Ukioq aningaasarsiorfik 1978 siunissamilu:

Periaaseq taaneqareersoq malillugu ilanngaataasinnaasut naatsorneqartassapput taarsigassarsiat tamakkiisumik akilereernissaata tungaanut.